

# 北洋官報

目錄

宮門抄  
 上諭 奏旨  
 驗放單  
 奏請○陳撫吳奏簽註刑律草案摺△又奏改設陸軍測繪所摺  
 公積 學司札二件△商會移一件△董事會移一件△吉林官錢局呈一件  
 文告四則△電報四則△新聞十三則  
 彙編○直隸財政局編造月報例言

本局第一百三十三期法政學報已出

## 宮門抄

五月十八日 陸軍部 變輿衛 廂白旗值日 宗人府引 見五名 吏部引 見四十五名 查驗

大臣帶領引 見一名 廂黃漢引 見十一名 正黃漢引 見二名 增崇因伊弟得保獎謝

恩 德公 楊士琦各續假十日 馮國璋假滿請 安 順天府奏京師得雨四寸有餘 召見軍機

蕭丙炎遞封奏一件

五月十九日 法部 大理院 廂紅旗值日 姚錫光由山東回京請 安 墨麒因伊弟得保獎專摺謝

恩 李聯芳因伊子以外用謝 恩 召見軍機 姚錫光 洵貝勒等姚錫光胡恩敬各遞封奏

一件

## 上諭

五月十九日內閣奉

上諭姚錫光奏遵旨校閱陸軍第五第六兩鎮一摺據陳此次校閱該兩鎮官兵學術暨內務外場各項情形均屬精嫻著有成效深堪嘉許仍著陸軍部督飭專司訓練大臣認真訓練力求精進逐漸擴充俾成勁旅用副朝廷修明武備振厲戎行之至意餘依議欽此

## 交旨

五月十八日 軍機大臣欽奉

諭旨御史蕭丙炎片奏辦理新政務當節省經費所有收支數目不得由外籠統奏銷須一律詳細造冊報部考核

五月十九日 軍機大臣欽奉

諭旨貝勒載洵等奏現修

崇陵工程擬請暫停工作俟經過暑夏再行奏報開工一摺知道了欽此

等語著度支部知道欽此

五月十五日經內閣奏

派王大臣驗放分發豫河補用同知江瑞麟河南試用同知張嘉慶河南補用直隸

州知州張瀛安徽試用知州陳毓珉湖北試用知州焦心正廣東試用知州李廷銳雲南試用鹽提舉李文森

安徽試用通判鄭家良廣東試用通判倪蔭林江蘇試用通判李道敏河南試用通判郭汝汾四川試用通判

張友葵劉榮貴州試用通判蔡毓芬山東試用直隸州州同于文貞河南試用直隸州州同武占魁甘肅試用

直隸州州同劉長基直隸補用知縣王式敏孫天錦山東補用知縣侯蔭培沈保儒羅培鑾河南補用知縣應

秉鈞汪祖松陝西補用知縣龍雲藻福建補用知縣秦德垓范平治浙江補用知縣陳啓謙湖北補用知縣蕭

方驥劉崇文孫鴻龢湖南補用知縣王兆涵廣西補用知縣陳祥和貴州補用知縣簡協中直隸試用知縣李

廷程程世謙江蘇試用知縣劉承裕許杰安徽試用知縣徐金壽張樹琴石贊宸徐幹山東試用知縣劉朝英

郭秉謙周世謙河南試用知縣楊奎光王致中鍾汝廉陝西試用知縣馮元斌郭存約湖北試用知縣凌震謨

湖南試用知縣顧僂朱錫琛陸翰袁廷獻廣東試用知縣張武源方大枚孫祖蔭廣西試用知縣梁毓瑩河南

試用布庫大使胡元春長蘆試用鹽大使朱傳恒兩淮試用鹽大使王炳文福建試用鹽大使吳應爵兩浙試

用鹽大使劉可均廣東試用鹽大使吳鍾縉均堪以照例發往揀選一等截取揀選舉人趙聲煦吳仕清項暉

遠嚴思靜吉璋周永年魏建祥陳俊均堪以知縣用揀選二等截取揀選舉人鄭桂麟莫開瑤周家俊王端梁

友棹下廷棟楊永年張學淵申傳鈺陸紹雲柯培鼎高士龍覃寶瑜安秉禮鍾毓崧方曾授程啓昌王宗禹汪

傳濟蔣燦楊亨顯于鳳翔彭濛藻朗察孫晉陞冀相伊何景濂楊寶圖東於仁姚曰焜陳炳乾喻思禹吳世康  
楊鑄淵李道正均堪以直隸州州同鹽庫各大使掣用保送直隸州知州吏部主事賀欣堪以交部記名以直  
隸州知州用改用知縣裁缺工部筆帖式裕斌堪以知縣分發省分補用捐復前新疆候補通判余協中堪以  
准其捐復原官照例用開復五品銜前浙江候補知縣符璋堪以准其開復原官原銜仍發原省照例用十六  
日覆奏奉 旨依議欽此

### 奏議錄要

#### 河南巡撫吳重熹奏簽註刑律草案摺

奏爲簽註刑律總分則草案擇要繕具清單並陳管見恭摺仰祈

聖鑒事竊於宣統元年正月二十六日電奉

上諭戴鴻慈等奏請飭催京外各衙門簽註新訂刑律草案一摺著京外各衙門照章簽註咨送勿稍延緩以  
憑核定而昭畫一欽此等因遵查此案前准憲政編查館先後咨到刑律總分則草案均經升任撫臣林紹年檄行  
官報局排印多分行司飭屬並仕學館學員一體參考簽註臣到任後又經疊次行催茲據按察使惠森暨該學員  
等分別簽註呈送前來竊維刑之原則與禮相爲維繫白虎通曰禮爲有知設刑爲無知設出乎禮則入乎刑此大  
較也唐代制律猶承此旨故論者亦謂唐律一準乎禮以爲出入得古今之平前明刑法雖峻未戾唐制我朝  
因之斟酌損益與時變通如秋審制度之規定已具博愛主義近年復免除凌遲梟示停止緣坐笞杖文明增進薄  
海同欽惟自中外交通刑法互異通商口岸裁判之權移於領事誠如原奏有不得不改之勢然於立國之本原與  
夫人民之程度尤當并顧兼籌欽奉 明詔既揭示之以修改宗旨中外大臣又條舉件繁詳加糾正如臣愚昧  
何庸贅述但其中有證之理論按之時地尙多不盡適用及不可偏廢者謹舉數端爲我 皇上陳之一曰流刑  
暫緩廢止也總則主刑之種類死刑之下直接徒刑徒刑分有期無期俱禁之獄定其勞役其無期徒刑監禁逾十  
年以上仍許假出獄此系採用日本最新學說一以防止人民薰染其習一以不絕犯人改悔之路意非不善第查  
日本舊時刑法徒流人犯不分無期有期概移居島地後以發遣多不實行始經停止中國幅幘寥廓情勢與日本  
不同腹地諸省生齒日繁犯罪人數歲益加增邊省戶口畸零地多遺利上年東三省督臣徐世昌等奏准軍流人

犯移以實邊誠爲因地制宜之辦法蓋此項囚徒罪既不至於死禁之內地督令服役無非暫移其殘忍之性何如流諸邊境俾充墾荒開礦等苦工較爲有益若但據學理上之解釋不憑事實上之研究毅然廢止恐難適當臣愚以爲無期徒刑不如改爲無期徒刑其配所除東三省外新疆藏蒙應一律遣派其情節實在凶惡者或到配後酌加監禁年限或以兵法部勒之其有期徒刑之最長期以下不妨執行之於內地監獄似此規定庶與現行律例不相違背一曰比附未可刪除也比罪之法其制最古亦以人情萬變科條不能賅而始設爲此例沿及於唐出罪舉重明輕入罪舉輕明重誠不能無愛憎之弊明律方救其失改爲引律比附加減定擬問刑者有所依據以律爲衡卽不能憑空比引恣爲出入我朝益昭慎重凡援引比附者均請旨遵行司法者更無從稍越立法之範圍

原奏採日法指斥比附於第十條明定律無正條不論何種行爲概不爲罪亦慮執簡御繁不無滲漏遂於一罪懸數等之刑並列數十圓以至數千圓之罰則由裁判官申縮於臨時竊恐本案頒行後不肖官吏初無畏難苟安之心轉有執法營私之便救弊之弊弊將滋甚不待智者可決其非應復加編訂以存其舊方不至窒礙難行一曰罰金不合定爲主刑也現行律例於收贖諸條大率施之於情節較輕及應受笞杖人犯其常赦所不原者概不准收贖草案於罰金一項定爲主刑凡因過失危害於乘輿車駕及因過失致尊親屬於死或篤疾者按照律例俱在不原之列悉以罰金科之既失之寬而於俱發罪之執行刑期有以罰金與拘留徒刑併科者又失之嚴如四十三條之例受五等有期徒刑及拘留得以一日折算一元易以罰金刑既可以易金四十五條之第二項罰金確定後無資力完納者以一日折算半元易以監禁金又可以易刑是使豪於財者玩於法絀於貧者罹於刑止奸不足

長惡有餘且監禁日數不得逾三年罰金定額多至三千元以半元折一日計算三千元之罰應處六百日之監禁乃以不過三年爲限負罰愈巨處分愈輕尤非情法之平急應更定刑名改正條例以免畸輕畸重之弊其他關於帝室之罪姦非之罪殺傷之罪修訂者芸人舍己未免自壞禮防簽註者義正詞嚴所以力持名教是非得失自在人心顧或者以爲此皆毛舉峻刑時代之習慣瑕指癥索不解新訂律主義之所在殊不思中國開化最早去古逾遠民俗日偷聖君賢相鑒於一代之弊隨時變更法令始臻完密東西各國開化未久其宗教不同風俗互異單簡之法卽足以致治然其改正草案猶日異月新規則條例相資爲用已漸趨於繁密本案乘繁密之後驟易單簡

之刑其勢已處於不順若復不計國本所在抉破藩籬以求合於人國之階級恐不免削足適履之譏卽如警察完備祇能禁暴於將發之時監獄改良無非感化於犯罪以後根本中之根本要以實施教養爲先務但使人民知識日進游惰者少不至輕罹刑網目闕節疏或能適用否則刑罰不中民之手足且無所措遑論有裨時艱善夫日本政治家市島謙吉之言曰編制法律必使此條與彼條不相矛盾現制律與現行律不相背戾乃可頒行洵爲扼要之論足資考鏡者也所有照章簽註刑律草案並陳管見緣由除分咨查照外理合謹繕清單恭摺具陳伏乞皇上聖鑒訓示謹 奏宣統元年五月十四日奉 硃批修訂法律大臣法部彙核具奏單併發欽此

又奏改設陸軍測繪所摺

奏爲改設陸軍測繪所實測各屬地圖以符部章而資軍用恭摺仰祈 聖鑒事竊查陸軍測繪學堂自光緒三十二年七月開辦定期二年畢業經升任撫臣張人駿 奏咨在案臣於上年八月到任該學堂已屆畢業之期當經遵員會同考試查照部定章程應於畢業後遴派優等生分赴各府州測量繪圖以濟軍用並添招新班以備陸續派遣當飭陸軍叅謀處會同總叅議藩臬兩司兵備處會籌議詳去後茲據詳稱測繪學堂頭班學生業經考試畢業自應擬派諸生分班出省實行測量並招新班以爲豫備惟豫省庫款支絀當創辦測繪學堂時卽係司道局各庫分任籌款已屬不遺餘力今擬分班實測薪資已慮不敷若復接招新班經費更無所措兩事同時並舉財力實有未逮第實測地圖關繫綦要自未便因籌款不易稍事遷延司道等再四籌商於勢難兼營之中爲先其所急之計擬將測繪學堂暫行緩招新班卽於畢業生中選其程度較優者遴委學員率同諸生分赴各屬實行測量所需薪水川資等款通盤籌計除該學堂原有常年經費銀七千九百餘兩尙不敷銀一萬兩有奇現議先派三班出省並切實核減經費仍需添籌銀六千兩卽可勉敷支用俟款有餘再照原額添派商由藩司糧鹽道釐稅局各認籌銀二千兩按月撥發造具測繪簡章及額支經費清冊會詳呈請 奏咨立案前來臣維測繪關軍行之要固當併日圖功而財政值極困之時惟有移緩就急該司道等所陳均係實在情形不得不變通辦理已批飭將測繪學堂暫行緩招新班卽日撥款分派員生三班先赴歸德陳州光州三屬實行測量經費撙節動支不得稍有冒濫一俟續籌的款再行陸續派遣並添招新班學生以符定章除將送到清冊分咨陸軍部度支部查核外所有改設陸

軍測繪所實測軍用地圖緣由理合恭摺具陳伏乞  
皇上聖鑒敕部立案施行謹 奏宣統元年五月十四日奉

硃批該部知道欽此

### 公牘錄要

提學司傳札飭廣平府整頓中學堂及師範學堂文

爲札飭事案照本司此次考查該府學務該中學堂位置風景極爲幽勝洵足助學業之發達察其各科教授亦尙有見長之處惟張教員講授歷史抄寫黑板隨文順述占時旣多闡發絕少應飭改良至管理多未合法宿舍旣零星渙散照料難周其另室所設飯廳板頂積塵不除亦碍衛生操衣綠色乃有三式請假簿册約略登記亦未合式均應急速整理改良該監督李寶璋人亦平穩應飭令力致精勤細加考察研求管理之法并由該府隨時督率切實整頓以免因循蹈襲貽誤孔長又該堂無理化博物器具於教授理科斷難領會應由該府先行酌籌千緡左右擇要購備稍資試驗此爲最要之務至師範學堂學生成績尙有可觀者教員劉燮駿在堂講授切實發揮甚爲明確具見平時盡心研究應傳諭嘉勉惟管理上措置一切未能悉合條理尤少整潔之風該庶務員陳起鳳衆望未孚現被控告業經另案札飭查明覆核該師範生原定一年畢業距期甚近應飭益加勤勉並注意講求教授管理之法庶畢業後派充初小教員較易勝任此兩班畢業後應如何辦理仰候另行規畫專飭遵行勿再循照從前辦法率行續辦合行札飭札到仰卽分別遵照辦理切切此札

又考查沙河縣學務札飭該縣分別嘉勉整頓文

爲札飭事案照此次本司考查該縣學務該高等小學管理一切頗有條理自修室尤爲整齊教授亦甚詳明附設初等小學學生亦均能講答應傳諭獎勵并贈給該堂長劉鴻俊手書扇面一頁以示褒嘉仍須加意研求益期進步九家舖留各村兩處初等小學布置均合九家舖教員邵靖麟教授詳細應予嘉勉留各村教員李宗棠曠課太多應飭撤換城隍廟食膳舖東馬村三處初等小學均須改良仰卽飭照派往查視員之指示妥爲辦理此外四鄉初小仰該勸學總董勸學員暨巡行教員等隨時查察勸導使未合法者切實改良勿任因循廢弛俾教育得日加推廣該令有振興教育之責尤應維持督率擴虛衷以集益矢實力以進行勿稍草率因循致滋貽誤是爲至要除

扇面運發外合行札飭札到即便遵照此札

天津商會移請天津縣嚴禁打磨工人立行文

為移覆事現奉貴縣照會內開案據河北大街打磨工人郭慶餘孫國章李寶善張錫武孫成林尹桂元楊恩桂孫鳳祖等聯名稟稱打磨手藝給米麵舖作工係祖傳已久津郡共二十餘家於二十六年河北大街石橋玉皇廟會立公地研究已經學堂佔用現本會暨米麵行崔董長議定各章作准定價每盤磨合銅元十枚從此並不增減永照舊章實係為研究工藝起見並非欺行霸市借此把持奉示准後身等情願報効津錢每季交七十吊正皆自集已資並有安保安按季呈交為此具稟呈遞仁天案前伏乞恩准施行給予告示俾咸週知實為公便矣附呈公議章程九條等情據此除批示所議章程九條於商民有無窒礙候照會商務總會查核復到飭遵等情榜示外擬合備文照會為此合照會貴總會請煩查照希即核議見覆以憑飭遵施行等因當將天津磨房商董約會詳詢旋據稟稱竊承傳示縣尊照會有郭慶餘孫國章等在津創立打磨行並願按季在縣報効津錢七十吊驟聆之下實不知是何居心有何取意及查伊等條規悉專為把持打磨凡舖戶磨工必須由該行之內包派不准舖戶自主亦不准不在該行之匠人做工兩面把持用意極為奸巧竟不知公理難容謹聲明三津碾磨坊向來僱工打磨僱寬何人由商等自便無所謂行更無所謂會至打磨一盤先年工價僅止津錢一百文嗣因百物騰貴錢色吃虧至今打磨一盤工價增至銅子十枚工資並無一定之數舖戶等亦不受石工把持之累況值此商情疲滯之年米糧奇漲市面蕭疎米舖等本巨利微拮据太甚我商會竭力保護尚恐不易支持若再准奸民創立私行俾得恃有護符把持擾害致使米麵商平空增一無端之累諒為貴會所不容應亦我縣天所不忍也總之舖戶僱工打磨匠人憑手藝賺錢悉聽自便今忽立行立會為我津埠向來未有之創聞米麵舖商實在不敢奉命具此陳明懇求貴會覆請縣天俯念商艱飭知郭慶餘等各務正業不得妄生希冀滋擾津商以後僱人打磨仍照舊由舖戶與匠人隨便自商伊等不得干預倘伊等奸貪不死其心嗣後另生何等枝節或商等另僱在津與非在津之工匠伊等敢有平空梗阻攪擾情事合並請為立案准商等稟控拘究以免無故生事而保商業實為公便等情前來覆查此案前據郭慶餘等以前情具稟到會敝會核閱呈擬條規跡近把持即經批駁在案現核該董事所稟則打磨立行實與商情

諸多窒碍未便照准以維商業除稟批示外相應移覆貴縣請煩查照禁止望切施行須至移者

天津縣董事會移天津縣請准學員照例入籍文

為移請立案事案據花翎運同銜候選州同直隸高等工業學堂畢業生李鎮桐說帖內稱為照例入籍懇乞移  
立案事竊職先祖父於同治年間由山東省武定府惠民縣原籍遷居於本津城內旋移河北居住四十餘年經營  
商業置產安塋已成土著因我國向無戶籍法故於籍貫一事恒無稽考今值預備立憲講求自治時代籍貫與選  
舉權頗有關係孰能自甘放棄相應備具說帖情願歸入天津縣民籍居住年限亦與入籍之例相符為此呈候速  
賜移請縣尊俯准立案施行須至說帖者等因據此敝會覆查李鎮桐住居天津縣境已逾三十年按之入籍例應  
屬相符應即據情代達懇請准與註冊立案實為公便為此備文移請縣台查照施行須至移者

吉林官錢局呈報會擬奉吉兩省匯兌簡章文並批

為會同呈報事竊查職號於去年冬間曾奉 前督憲諭籌擬奉吉兩省合資設立吉林官銀分號以資聯絡嗣因  
辦法未經議定今春復奉 前督憲諭奉吉兩省先行交通匯兌以為設立銀號之基礎當經職號與職局會擬匯  
兌簡章六條係斟酌兩省現在情形均無窒礙將來如有應行變通損益之處再行隨時會商稟明辦理除俟議定  
合資辦法即行稟請設立分號並分呈外理合將會擬匯兌簡章繕單呈報 憲台鑒核備案須至呈者 計開  
第一條 奉吉兩省銀號隨時交匯之款萬兩以下彼此逕匯見信即交若在萬兩以上應先由函電通商認可再  
行匯兌以便彼此籌備 第二條 由奉匯吉之款匯費歸奉號收由吉匯奉之款匯費歸吉局收此項匯費各收  
各賬各歸公款毋庸彼此結算以省煩牘緣奉吉兩省號局均係官辦匯兌往來特為交通便利起見與純然商辦  
匯兌性質有間不必過事煩苛且均之收賬入公各有簿據賬目可稽更不必徒滋糾葛 第三條 奉吉兩號用  
函代匯其匯還之款以交款之日起算如在一月以內各不計息一月以外彼此以六釐起息核算最遲不得過兩  
月逾期按照八釐起息兩省局號一律遵守至彼此匯兌銀兩欠至萬兩即應趕急歸補收匯以示限制不得欠至  
萬兩以外以免積成鉅款互相轉轍 第四條 兩省官商匯款以何種平色匯兌照何種平色歸還以免歧異  
第五條 兩省匯費各收各賬各按本埠隨時匯兌市面行情公平辦理庶於匯客匯主兩不折虧 第六條 奉

吉兩號彼此如有存款若在半年以外均按月六釐計息半年以內均按月五釐計息三個月以內均按月四釐計息彼此一律遵守 以上六條係就目前交通匯兌議擬簡要辦法嗣後如有應行酌改事宜隨時互通文函商定再為續稟立案

署吉撫陳 批據呈已悉所擬章程六條尙屬簡易可行應准試辦仍候 奉天行省批示錄報繳單存抄由批發

### 文告錄要

督憲批示錄要○津海關道詳醫學堂頭班學生改補大考請派員會同考試由 批據詳醫學堂頭班學生應即

大考即派該道前往會同認真考試評定甲乙具報仰候另檄飭遵繳○津海關道礦政調查局詳覆礦商王永

祥在津設立招股公司應准給予保護由 批據詳並清摺均悉該商王永祥等所議招股章程既經 農工商

部核明有案應准給予保護候行天津巡警局查照辦理並將礦照發還祇領繳

藩台批示○閩場廳民崔永祥呈 批案經本司飭廳查辦該處即未設有墾務專局該廳不能不秉公據實辦理

毋庸鯁鯁過慮

提學司批示○深州申送中學堂肄業附生柴悅嶠具稟以伊意欲報考財政學堂懇請備文送考一案 批據申

已悉財政學堂自本月初九日起分日招考文牘稽遲計已不及惟此次如不足額再須招考一次飭自行探明

逕向京師財政學堂照章報名投考可也○交河縣泊鎮武生溫應豪稟假公濟私勒索商害民懇恩委查以儆刁

生一案 批稟悉此案併據該堂長尹寶真具稟前來業經札飭委員會縣查明具覆候核議武生所稟殊難憑

信姑候抄稟交查核辦此批

直隸警務處批示○祁州監生史文煥稟懇緝賊追贓一案 批據稟各節是否屬實究係一面之詞已札行該州

查究仰即回籍聽候可也○高等警務畢業生王壯乾具稟一案 批稟悉查該生充膺本縣區長業於去歲添

列稽查報告表內茲據稟請入研究所未將離差事由及日期聲明實屬含混候行縣查明再行核奪此批

### 電報錄要

路透電○英國特來雷邦新聞紙云美國各銀行家關於川漢路債之總額擬承募四分之一此議已經英國允准  
又電○日本久邇宮親王偕其夫人刻抵英倫該親王等抵英時英皇代表及駐英日本大使加藤男爵及其夫人  
等均至車站歡迎

又電○美京華盛頓電稱美國元老院關於本年西六月十七號提及股本公司納稅之事刻以投票法取決計贊  
成者四十五票反對者三十一票

又電○法國海軍差遣航業後備義務軍人罷工風潮刻已止息照常供職各公司已允認該工人要求各項

### 新政紀聞

政治

議訂選舉訴訟費專章○憲政編查館因諮議局選舉章程第九十四條凡選舉訴訟事件所有訟費等項悉照通行章程辦理茲以通行章程甚屬含混恐有窒礙等弊現擬由館另訂詳明專章頒布施行以期完善

通飭革除繁文縟節○奉天督撫兩院通飭各屬以舊日各衙門積習每遇長官生辰及年節均有慶賀稟啓當茲時事多艱豈可仍崇此無謂之虛文亟應屏除以符尙實宗旨嗣後如再有前項情事者定予嚴行申斥云

整飭州縣諱盜積弊○浙撫增中丞札飭各屬文云浙省伏莽滋多盜案疊出地方官相率隱飾遂令兇徒漏網劇盜稽誅本部院到任伊始首先嚴禁諱盜責令各州縣遇有盜案一經聞報不論遠近立即會同營汛前往勘驗

詣勸之後限三日內通稟並責成接任官務將前任盜案有無諱匿確切查明限三月內具結通詳倘敢扶同徇隱別經發覺一體撤叅於光緒三十四年七月間通飭司道府一體飭遵在案迄今將及一年地方官諱盜之弊

仍恐難免而各該後任出結詳報者甚屬寥寥實屬故違功令再申明定章嚴飭遵辦除分行各道府一體飭遵外合亟札飭札到該司立即轉飭各州縣速將前任有無諱盜情弊具結詳報如再延宕或扶同徇隱定行嚴

參決不寬貸

外交

咨請保護遊歷外人○督憲准外務部咨英國都司璞德希費信修赴直隸山西一帶地方游歷又丹國事務參贊伯爵阿列斐擬由太原府前往五台山游歷經宣化府一帶回京又俄國學生福羅塞往承德府多倫諾爾廳獨石口宣化府張家口歸化城朔平府等處游歷又美國人葛雷古往直隸河南山西陝西等省游歷又美國人阿侯氏等赴直隸等省游歷又法國教士樊惟一前往直隸等省游歷又美國人萬德生携眷往直隸等省游歷又准滇督咨瑞士國工程師梅恩德往直隸等省游歷又准鄂督咨日本人久水泰勝竹內操等赴直隸等省游歷又英教士文光斗由漢赴直隸等省游歷各等因已分札所屬一體保護矣

呈請保護遊歷日人○督憲據津海關道呈日商櫻川紋平赴直隸山東兩省游歷撫山辰之赴直隸山西兩省遊歷山內銀之助赴直隸河南遊歷又日本學生四本俊男赴直隸山西陝西四川湖北河南安徽浙江山東等省遊歷原田就一赴直隸山西陝西四川湖北河南安徽江蘇山東等省遊歷周部和次郎赴直隸山西陝西四川湖北河南安徽江蘇浙江山東等省遊歷除分行外已札飭所屬照約保護矣

### 學務

學部頒行奏咨輯要○學部張相國因本部自設立後所有頒行各省章程文告已層積累贖而實力奉行者頗極寥寥已飭司員搜集該部歷年奏咨各案擇其可爲要典者彙成一編名曰奏咨輯要已飭編書局刷印日內即頒行各省一律遵照矣

嚴催造送學務表冊○學部飭造之教育統計表內有調查全省學齡兒童一項奉天提學司特於前日刊就表式箭發各屬飭其詳細填註呈司以憑彙造統計乃事逾多日而送到者尙屬寥寥因又嚴飭行知各屬尅日將此表呈送毋再玩忽干咎

南洋大臣熱心學務○初七日南京實業學堂農工礦班學生畢業江督端午帥蒞堂演說略謂 朝廷獎勵實業無微不至凡留學學生有入農工格致專科者皆官爲給費各省府縣設農林學堂外增設初等實業學堂自此以後實業之興蓋可預期本部堂竊願諸生習爲刻苦敦尙勤勉須知實業爲生利之事非分利之事尤須知實業學生爲職業中人非仕宦中人即異日從事專門學成受獎爲農師爲工官爲礦師仍願諸生知此爲職業家

之職位非政治家之職位庶幾所謂實業人材者乃無愧也諸生勉旃又上海東亞同文書院現屆第六期學生畢業由總監根津一君東請江督觀禮端午帥特派夏劍臣觀察代表蒞院演說藉伸忱悃

財政

電告裁撤釐餉總局○浙撫增中丞日前有電到京略云前因籌畫財政統一辦法於本省設立釐餉總局以爲全省釐餉總匯之區現既揀派監理財政官擬俟王丹揆京卿到省後即將該釐餉總局裁撤以一事權

批准湘鄂添票辦法○江督端午帥據兩淮運司詳補助財政局案內飭加湘鄂新張一百票已招商認足請奏咨立案等情當即批云查此次飭加湘岸新票三萬五千張鄂岸一萬五千張既經該司督飭招商一律認齊造冊備案應徵捐款亦均核收候據詳奏咨立案其新加之票並准附入己亥春綱之末統運一次後再由岸簽定綱分歸入正綱一體循環輪運仍查照成案蠲免三綱派捐以示體恤至票本捐款事在前次加票之後自應毋庸援免除行財政局外仰卽遵照

實業

札委南洋勸業會評議員○蘇省開辦南洋勸業會定期本月初七假座大觀戲園開會集議現上峯復札委農工商局提調陳介卿大令充該會評議員業已奉札到差矣

通海物產研究會開會○江蘇通海物產會監督琦仲和直刺創立員張叔儼君調查員束勛儼君等於初一日假座南城紹春戲園開特別大會研究通海物產會事宜是日下午二時開會到者約一千餘人先由主席張叔儼君演說次由習位斯君代表琦直刺演說次調查員束君海門代表嚴仲和君相繼演說畢主席報告物產會事務所之成立暫借公園陳列定九月初一日開幕各屬代表當場詳開擔認出品清單限八月十五日以前運通時已六鐘遂搖鈴散會

飭議設立蠶業講習所○京師官紳設立蠶業講習所由部撥款補助業已奏准奉旨通行皖省有江浙蠶學畢業生巴成錦熊憲吳江等先後條陳飼育製絲製種考種諸法並擬蠶業講習所章程稟院提倡經皖撫批飭勸業道核覆

乙類 承轉之款

第一節 承轉各款或代領代解或代收代發承轉之處均無關支用惟其中有常年承轉有特別承轉其常年承轉者往往即歸承轉之處造銷應查歷辦銷案以每案爲一冊若特別承轉可以一項爲一冊或以一衙門一局所之款爲一冊

第二節 常年承轉之款冊首應先列定額並歷年收支長欠之數

丙類 收發之款

第一節 收發之款或躉收零發或零收躉發其躉收零發者如支應局之津防練餉北洋防費等類統歸一項收入雖支款名目繁多仍可以入款爲主歸於一項造報此等款目應查造報之案以一案爲一冊零收躉發者如藩庫之各項內結雜收零星收入湊撥鉅款若以入款爲主則出款不免割裂以出款爲主則入款復難稽核此等款目應將入款出款均以銷案爲主各歸各冊造報惟入款冊開除項下必須備列湊撥若干之數出款冊新政項下必須備列由某款湊撥若干之數以期針孔相符

第二節 收發之款有定額者冊首應先列額入之數並歷年收支長欠之數

第三節 發款較多之處如所發之款仍由本處造銷者應列開除由收款之衙署局所自行造銷者應列登除開除之款總冊內只須按衙署局所開列總數惟每一衙署局所必須另備分款細冊同送此項細冊或由發款處所代造或由收款處所造送彙轉分別種類隨宜辦理若登除之款則應由領款之衙署局所自行造冊徑送本局核辦毋庸由發款之衙門局所彙轉

丁類 支用之款

第一節 支用之款或自行造銷或即歸發款之處彙總造銷其自行造銷者應各以銷案爲主每一案爲一冊其歸領款之處彙總造銷者除報本局以外應分報發款之衙署局所彙總核轉

第二節 一衙門一局所如款項較多其中有自行造銷者又有歸發款之處造銷者又或所領之處所不僅一處必須分案辦理者若照前條辦法僅造各案分冊則總數轉稽核應將本處所有一切出入各款分別內

外結另造簡明總冊一分惟某款歸某處造銷必須逐一註明

戊類 營業之款

第一節 各衙署局所經營營業事件有專純營業附屬營業之殊而兩種之中或爲商業或爲工業或爲工商相雜之業性質復各不同惟撮其大綱亦有可以相同之處如現款如往來賬如賞產如薪費此四項皆必不可少應以每項爲一冊如銀號則有行之鈔票如農業則有收穫之品物如工業則有材料之收支成器之出入頭緒甚繁未便預定一格致多窒礙應由各處審度情形各隨所宜列冊造報第冊中必須明確無漏以便稽核

己類 墊借之款

第一節 墊借各款糾葛最多然區以別之約可分爲三種一爲本處自行通融之墊借一爲他處互相通融之墊借一爲營辦特別事件之墊借必須各定辦法方能明晰其本處自行通融者如此款不敷暫由彼款墊付之類此等款項兩款冊內新收開除項下暫可無庸列入祇須於此款之實在項下先列不敷之數聲明內於某款挪借若干而彼款之實在項下亦先列應存之數聲明內墊付某款若干實存若干字樣即可互相勘對其他處互相通融者無論暫挪長借入之款必須列入新收俟撥還時再列開除墊付之款必須列入開除俟歸完時再列新收惟此等款項如照尋常收支各款卽以一收一支了結未免漫無稽考應各於實在項下備列借入墊付之數借入者開列借入未還銀若干墊付者開列墊付未歸銀若干下月舊管亦照此開列其營辦特別事件者無論原款有著無著歸還年限是暫是久與他處互相通融之款大略相似其墊付冊內卽照他處互相通融之法辦理惟借入之款必須另冊造報備列借入歸還之數

第二節 各衙署局所往往有支用之款暫向商號挪借俟領款到日再行歸還者此等借入之款從前辦法或一年一清或按季一清向無窒礙現辦月報必須逐月清理若商借之款因領款未到不能清結而冊內因各款虛懸概不列入收支殊非核實此等款項應卽以墊借之商款列收照前節他處互相通融之法辦理

# 在北京有因醫經失用而為韋廉士大醫生紅色補丸所治愈者

傷風一症輕忽不治關係實非淺鮮高君建侯年三十有九歲為北京民政部緝捕局之書記員也嘗因其所患之疾病以證明輕忽傷風之危險蓋高君之疾初因傷風而起繼致感及腎經當未獲韋廉士大醫生紅色補丸治愈以前曾受諸般之痛苦也本局代表人嘗詣福星店謁見高君得聆其自述一詞如左云○一年前余旅居漢皋一日天氣驟變酷熱異常旋忽寒冷而又陰雨致受風寒初起咳嗽甚劇自維小恙不以為意後則久咳不止而又帶痛始知身受疾病急思救治並知當日輕忽自悞以致受疾如是之深蓋余除咳嗽外又覺腎經失用小便艱澀痛楚難堪更兼背脊疼痛如受鞭撻骨節散離遍身痠疼動則更甚步履之間殊亦痛苦如欲勉盡己職是非施盡精

## 補 腎 滋 陰



北京高建侯君詳述其患胸背疼痛之症如何為韋廉士大醫生紅色補丸所治愈  
力不可因余在蘆漢鐵路之支應所公事煩劇欲得清理必須費如許之精力也以上所述病狀外而又加以胸痛發炎實因終日咳嗽甚厲不已之故使余身體殊甚羸弱如此情形屈指六月之久服食中藥絕無效驗後承漢友勸服韋廉士大醫生紅色補丸余即依言試服一二瓶後便覺大有進益故接連服之直至全愈此三年前事也從此疾不復發昔甚有力胸痛全消矣夫人之血果有十分康健之形決無傷風受寒之患高君建侯所患之疾乃因其血淡薄衰弱以致傷風受寒諸疾叢生觀其所述各症諒閱報諸君定當洞悉其所作之證確係服韋

廉士大醫生紅色補丸之功用致其血潔淨有力而使其病體復原也蓋韋廉士大醫生紅色補丸能生康健有力之新血以驅除身體中一切之疾病其聲名已洋溢於全球為醫治 背骨疼痛 身體衰弱 少年虧傷 陽萎不舉 血薄氣虧 肝胃不調 頭痛自眩 山林瘴氣 風溼骨痛 腎骹痠痛 左癱右瘓 腳氣衝心 胸膈疼痛 癆病初起 瘡疥疔疹 等症以及少壯婦女月經不調婦科諸症之聖藥也小兒羸弱有病瘡萎不長 一服是丸立能身體復原面色鮮紅矣

韋廉士大醫生紅色補丸中國各處商店凡經售西藥之處均有代售或直向上海九江路B字第八號 韋廉士大醫生藥局總發行處購買亦可價銀每六瓶大洋八元每一瓶大洋一元五角 遠近郵費一律不取

# 新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 備列各貨

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

## 瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸 瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 磁銅料器磁藍 奇巧美術玩器 學界文房用品 旋行携帶等件 精工鑲身物料 定織各色麗氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

# 北洋灤州官礦有限公司開正式股東會訂期廣告

啓者本公司開辦已逾一稔造端宏大事緒綦繁茲定於五月二十四日下午二鐘在天津東門外玉皇閣本公司開正式股東會提議各項事件應請股東先期於三日各帶股票赴本公司驗明以便填給會券屆期即可持券入會如不先領會券臨時未便接待再各股東領會券時務祈將姓氏籍貫住址開示以便隨時通函佈告謹啟

## 天津銀號廣告

本銀號代辦直隸公債所有本年宣統元年二月初一日四月初一日第四年第一第二兩期應付本利銀兩即係原訂光緒三十五年期限業經照數分付廣登告白各在案茲值本月杪爲第四年第三期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請 督憲照 奏准章程通飭各屬不准留難需索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告

# 啟新洋灰有限公司磚股截止廣告

啟者本公司磚窰收股於五月十五日爲兩箇月期滿已經截限現計兌到股款已多逾額尙須設法勻退特此廣告遠近附股諸君勿再溢交免勞往返滙兌謹啟

# 本局印售各種書籍圖畫目錄

澄衷學堂字課圖說  
 天文歌略  
 地理歌略  
 地球韻言  
 小學韻語  
 蒙養學堂百課  
 最新初等小學國文教科書  
 初等中國歷史教科書  
 心算初學  
 最新初等小學筆算教科書  
 初等小學筆算算科書教授法  
 忠經  
 英文學隅  
 東文典問答  
 地文學問答  
 皇朝政治學問答增校初二編  
 節本泰西新史攬要  
 筆算教科書  
 數學上編  
 普通新智識課本  
 中等植物教科書  
 中學礦物教科書  
 高等小學博物教科書  
 生理衛生學  
 化學教科書  
 中學地理中國誌

八本洋二元  
 一本洋三分  
 一本洋一角五分  
 二本洋二角  
 一本洋一角五分  
 一本洋四分  
 二本洋三角二分  
 二本洋一元  
 二本洋紙洋五角  
 二冊洋三角六分  
 合售洋三角六分  
 一本洋紙洋五分  
 一本洋二角  
 二本洋二角五分  
 一本洋五角  
 二本洋五角  
 二本洋紙洋四角  
 二本洋紙洋三角五分  
 二本洋紙洋四角  
 二本洋一元二角  
 二本洋四角  
 二本洋紙洋七角五分  
 一本洋紙洋七角  
 一本洋紙洋四角五分  
 一本洋紙洋三角五分  
 一本洋紙洋一角五分  
 四本洋六角

植物學教科書  
 皇朝政典舉要  
 萬國憲法比較一本  
 法學通論  
 萬國通商史  
 新爾雅  
 康熙幾暇格物編  
 周禮政要  
 明夷待訪錄  
 普通教科書目提要  
 科學書目提要初編  
 心算教授法  
 萬國公法提要  
 甲辰學報彙編一百種  
 乙巳學報彙編  
 全年學報彙編  
 丙午學報彙編  
 農學新書三十五種  
 日本栽桑捷法  
 美國養雞法  
 農務述聞  
 畿輔輿地全圖  
 御製耕織圖  
 朝鮮輿地全圖  
 地球開闢次序圖  
 平頂地球圖  
 東三省鐵路全圖

一本洋紙洋二角五分  
 四本洋五角  
 一本洋紙洋三角五分  
 一本洋七角  
 一本洋二角  
 二本洋三角五分  
 二本洋四角  
 二本洋六角  
 一本洋二角  
 一本洋五分  
 一本洋一角五分  
 一本洋紙洋三角五分  
 四本洋一元  
 五十本洋二元七角  
 四十本洋四元二角  
 廿四本洋四元八角  
 廿二本洋五元六角  
 一本洋一角二分  
 一本洋四角  
 一本洋三角六分  
 六扇屏洋二元  
 二冊洋五角  
 一張洋一角  
 一冊洋一元  
 三十二張洋一元  
 一張洋八角



# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 本局售報價目

本埠售價官報按日一冊每月三十冊收價銀六角零購者每冊洋銀二分  
 法政學報十日一冊每月三冊收價洋六角零購者每冊二角  
 兩種合購每月收洋一圓二角  
 各州縣報價交銀者除額定銷數照舊收銀九錢外額外分購者統照本埠售價例

## 本報代派處

各省郵政局分局均認定代派本報凡由郵局訂購者不取郵費  
 北京琉璃廠橋西路北公慎書局本分局  
 天津石橋胡同後齊佐周  
 保定省城北大街官書局內本分局  
 錦州同益分報館  
 南京東牌樓慶昌  
 濟南官書局  
 天津鄉祠南李茂林  
 奉天省城振泰報局  
 開封南書店街本分局  
 各州縣驛遞不在此例

## 本局告白刊例

登一日者每字取洋五釐 三日四釐 七日三釐五 十五日三釐  
 一月二釐五 半年二釐 長年一釐五  
 以上均按四號字起碼加寬行數照所佔面積計算  
 登錄商標刻工另議  
 三號字加半倍 二號字加一倍

## 便宜祭幃出售

茲有庫緞杭寧摹本亮花大呢呢布東綉洋緞各色祭幃寄存估衣街勾德豐帽店出售貨色新鮮均照市價八折扣算 賜顧諸君請至該處購閱可也